

ՀՏԴ- 809.198.1

Հայոց լեզու

ԳԵՂԱՐՎԵՍՏԱԿԱՆ ԳՐԱԿԱՆՈՒԹՅՈՒՆՆ ԻԲՐԵՎ ԲԱՐԲԱՌԱՅԻՆ ԲԱՆԵՐԻ ՊԱՀԱՐՎԱՄՆ ՈՒ ԳՈՐԾԱԾԱԿԱՆ ԱԿՏԻՎՈՒԹՅԱՆ ՄԻՋԱՎԱՅՐ

Ո՞նա՛ ՍՊՎՍԵՍՑԱՆ

Քանալի բանձր - Ժողովրդայնացում, զեղարվեստական գրականություն, ծագումնարանական բազմազանություն, կենտրոնակություն, բարբառայնություն, լեզվամտածողություն, ոճավորում, հնդկարվագական, փոխառություն, իմաստային, բարբառախոս միջավայր:

Ключевые слова: популяризация, художественная литература, этимологическое многообразие, жизнечесть, диалектизм, языковое мышление, стилизация, индоевропейский, заимствование, смысловой, диалектная среда.

Key words: popularization, fiction, etymological diversity, vitality, dialectism, linguistic thinking, stylization, Indo-European, borrowing, semantic, dialectal environment.

ԽՈԴՈՋԵՍՏՎԵՆՆԱ ԼԻՏԵՐԱՏՈՒՐԱ ԿԱԿ ՍՐԵՋ ԽՐԱՆԵՆԻ Ի ԱԿՏԻՎՆՈՂ ՍՊՈՏՐԵԲԼԵՆԻ ԴԻԱԼԵԿՏՆԻ ՍԼՈՎ

Р. ՄՈՎՍԵՍՅԱՆ

Одним из художественных способов отображения характера народа, образа мышления, жизненной философии является применение диалектных и разговорных реалий со стороны писателя. Диалектные слова могут проникнуть в художественную литературу непроизвольно, под влиянием языкового мышления, а также преднамеренно, для стилизации художественного произведения. Диалектные слова, примененные в произведениях арцахских писателей, имеют как смысловое, так и этимологическое многообразие. Примечательно, что в изучаемой нами литературе часть диалектных слов незнакома для всех или почти всех представителей нового поколения диалектной среды. Значит, художественное слово часто становится единственной средой сохранения и применения диалектных слов.

FICTION AS AN ENVIRONMENT FOR THE STORAGE AND ACTIVE USE OF DIALECTAL WORDS R. MOVSESYAN

One of the artistic ways of the writer's reflection of the character of people, the way of thinking, the philosophy of life is the use of dialectal and colloquial realities. Dialectal words can penetrate into the fiction literature involuntarily, under the influence of linguistic thinking, and intentionally, for stylization of the work of art. Dialectal words used in the works of Artsakh writers have both a semantic and etymological diversity. It is noteworthy that in literature some of the dialectal words are unfamiliar to all or almost all representatives of the new generation of the dialectal environment. Hence, the artistic word often becomes the only environment for the preservation and use of dialectal words.

Գրողի կողմից՝ ժողովրդի բնափորության, մտածելակերպի, կենսափիլիստիայության զեղարվեստական արտացոլման ներանակներից մեկը բարբառային ու ժողովրդականակցական իրողությունների գործածությունն է: Բարբառային բառերը զեղարվեստական գրականություն կարող են մուտք գործել ակամա՝ լեզվամտածության թերադրանքով, և կանխամտածված՝ զեղարվեստական երկի ոճավորման նպատակով:

Արցախի գրողների ստեղծագործություններում գործածված բարբառային բառերը ունեն ինչպես իմաստային, այնպես էլ ծագումնարանական բազմազանություն: Հասկանչական է, որ ուսումնասիրվող գրականության մեջ գործածված բարբառային բառերի մի մասը անձանոթ է բարբառախոս միջավայրի նոր սերնդի բոլոր կամ գրեթե բոլոր ներկայացուցիչներին: Ուրեմն՝ զեղարվեստական խոսքը հաճախ դառնում է բարբառային բառերի պահպանման ու գործածության նկալի միջավայր:

Գրողի կողմից՝ ժողովրդի բնափորության, մտածելակերպի, կենսափիլիստիայության զեղարվեստական արտացոլման ներանակներից մեկը լեզվի ժողովրդայնացումն է: Իսկ լեզվի ժողովրդայնացման ուղիներից մեկը բարբառային ու ժողովրդականակցական իրողությունների գործածությունն է:

Հայ դասական և ժամանակակից գրողներից շատերն իրենց ստեղծագործությունների լեզվական միջոցների լնտրության շրջանակներն ընդլայնել են՝ ի հաշիվ լեզվի տարածական տարբերակների՝ բարբառների, ենթաբարբառների, խոսվածքների, որը հայ լեզվաբանության և գրաքննադատության մեջ տարբեր ժամանակներում տարբեր կերպ է գնահատվել՝ բարբառային

իրողությունները դիտվելով կամ գրական նորմայից շեղումներ, «զածր» ոճի դրսնորումներ, կամ էլքներանգ ստեղծելու, կնրպավորման, ազգային հոգեբանության դրսնորման լավագույն միջոցներ և այլն:

Քննելով բարբառային իրողությունների դրսնորման առանձնահատկություններն ու նպատակադրումը՝ նկատնի է հեղինակի կողմից դրանց ակամա և կանխամտածված ընտրությունը: Ակամա ընտրությունը հեղինակի լեզվամտածողության հնքանաբուլու ու բնական արտահայտությունն է: Բարբառ կամ խոսվածքը լեզվական այն տարբերակն է, որին մարդը (այս դեպքում՝ գրողը) տիրապեսում է վաղ մանկությունից, և բարբառով է նրա գիտակցության մեջ ձևավորված քերականական տրամաբանությունը: Այդ մասին Հր. Աճայանը գրում է. «Ամեն մի անհատ, որ գրում է որևէ մայրենի լեզվով կամ բարբառով, ինչքան էլ լավ իմանա այդ օտար լեզուն կամ բարբառ, այնուամենայնիվ իր մայրենի լեզվից կամ բարբառից որևէ հետք կթողնի: Եթե մի վանեցի գրում է գրական հայերենով, լինի դա արևելյան թե՛ արևմտյան բարբառով, անշուշտ մի բանի տեղ որոշյալ բառերի ը հոդը կուլ պիտի տա: Եթե Լեռն իր հայոց Պատմության մեջ (Ա, էջ 609) գրում է.«Տիզրոնից մոտ է ապրում», դրանով մատնում է իր դարբարդի լինելը (Ղարաբաղի բարբառում մօտ նախադրությունը վերցնում է բացառական խնդիր, մինչդու ուրիշ բարբառներում սեռական-տրական խնդիր): Կամ եթե Մանանդյանը իր հրատարակած Նոննոսի մեջ (Marburg, 1903, էջ 5, ծան.) գրում է պիտի լինիր փոխանակ պիտի լինէր, դրանով մատնում է, թե խոսում է կարենցող բարբառ» [3-116]:

Բարբառային իրողությունների կանխամտածված ընտրությունը ոճական արժեք ունի, գեղարվեստական ստեղծագործության մեջ այդ միավորներն ունեն տարբեր գործառույթներ. բնութագրում նեն տվյալ տարածաշրջանի կենցաղը, բարբառ կամ խոսվածքը դարձնում նեն ավելի ճանաչելի՝ ընդլայնելով ընթացքողի պատկերացումը տվյալ բարբառի առանձնահատկությունների մասին, և ստեղծելով համապատասխան բներանգ՝ գրական կնրպարները դարձնում նեն ավելի գործուն, կնրպափորումը՝ ավելի համոզիչ: Բարբառային բառերի գործածումով հարստանում նեն գեղարվեստական լեզվի ոճական և պատկերավորման հնարավորությունները, ավելի անկերծ է դրսնորվում հեղինակի վերաբերմունքը բարբառային իրողությունների միջոցով գեղարվեստական խոսքը դարնում է ավելի բնական, և ընթացքող ավելի է կապվում հեղինակի՝ որպես ժողովրդի միջից ծագած կնրպարի հետ: Բացի դրանից՝ բարբառային իրողությունների գործածությունը նպաստում է նաև բարբառների ու գրական լեզվի մերձեցմանը՝ բարբառների հաշվին բազմապատկելով գրական լեզվի զարգացման հնարավորությունները:

Ուսումնասիրության նյութը Արցախի ժամանակակից գրողների ստեղծագործություններում գործածված բարբառային բառերն են:

Արցախի գրողները Ղարաբաղի բարբառի կրողներն են, և նրանց ստեղծագործություններում դրսնորվող բարբառայնությունները մնան մասսամբ Արցախի տարածքի խոսվածքներին հատուկ իրողություններ են, որոնց մի մասը, բնականաբար, բնորոշ է նաև մյուս բարբառներին ու խոսվածքներին, մյուս մասը ինքնատիպ է, բնորոշ է միայն տարածաշրջանի խոսվածքներին:

Բարբառի հարուստ բառապաշարի հումքը Արցախի ժամանակակից գրողների ստեղծագործություններում դարձել է իրական պատկերների, տիպական կնրպարների կնրտման լավագույն միջոց: Դրանց գործածությունը ունի տնհական բներանգ ստեղծելու, ժողովրդի լեզվամտածողության և հոգեբանության հնքանահպությունը զույց տալու ոճական բնունվածություն, գեղարվեստական խոսքի հաղորդում է աշխուժություն, կենդանություն, հարազատություն և անմիջականություն:

Ինչպես՝ Որից վառվող-լույս տվող վելթելամ¹ (պատրույց) սնունդ է առնում [7-591]: Առհասարակ ամեն շնչափոր ներ օրին բաշկում է իր սամթօք (այստեղ՝ կողմ) [9-190]: Ասեմ, որ նմանների ու մենք էլ՝ վահելսանի (արախսաղաց) երևալը մեր կողմերում զարգացնալու լավ առիթ էր դառնում [4- 82]: Սառուցր ցեխագորի երեսը բարակ վասով (թաղանթ էր) կապելի [8-376]:

Գրողի կողմից բարի ընտրությունը պայմանավորված է ոչ միայն նրա տաղանդով, գեղագիտական ըմբռնումով, այլև երկի թեմմատիկ առանձնահատկություններով, այն միջավայրով, որը ներկայացվում է ստեղծագործության մեջ: Եթե փորձենք ընդգծել բարբառային բառերը փոխարինել համապատասխան գրականներով, ապա կևամի միջավայրի զգացողությունը և խոսքի բնականությունը: Հատկանշելի է մի իրողություն ևս. եթե այս կառույցները մի կողմից՝

¹Բոլոր բարբառային բառերի բացատրությունը տվել ենք ըստ Ա. Սարգսյանի «Ղարաբաղի բարբառի բառարանի»:

սահմանափակում են ստեղծագործության «հաճամատչելիությունը», այսինքն՝ այլ բարբառակիր ընթերցողը հաճախ բառարանային ընթերցմամբ պետք է ընկալի համահենքը, ապա մյուս կողմից՝ այդօրինակ գործածությունները դառնում են տվյալ հանրության լեզվական առանձնահատկությունների, նաև մշակույթի ճանաչողության իրական փաստներ:

Գեղարվեստական խոսքում կրկնակի արժևորվում են բարբառային այն բառերը, որոնք գրական փոխարինիչներ չունեն: Նման բառերը գրական լեզվին հատուկ նկարագրական միջոցներով փոխարիններ խոսքը ոչ միայն զրկում է վերոնշյալ որակներից, այլև սեղմությունից, դիպուկությունից:

Այսպես՝ *Մազան* էլ ես կրերեմ, իւս որ զինին լավ նորավ, մի երկու բանկա էլ կապած կրմզով կրացեմ [8-241]: - *Խմիչքի հետ գործածվող ուտելիքն* էլ ես կրերեմ, իւս որ զինին լավ նորավ, մի երկու բանկա էլ կապած կրմզով կրացեմ:

Ծունդ իսկույն ետ է դառնում, ցանկանում է աստիճաններով բարձրանալ, բայց աստիճանների վրա խափանգը փակած է [8-401]: - Ծունդ իսկույն ետ է դառնում, ցանկանում է աստիճաններով բարձրանալ, բայց աստիճանների վրա դեպի ներքնահարկը կամ տանիքը բացված մուտքի վրա դրվող դրնակը փակած է:

Ընդգծված բառերը նշված իմաստներով փոխարիններով՝ կորչում են նկարագրության տիպականությունը, բներանգային առանձնահատկությունները, թուլանում դինամիկությունը, իսկ եթե հետինակն ընտրեր մոտ իմաստ արտահայտող այլ գրական բառեր (ինչպես՝ *մազա-ուտելիք, խափանգ-դրնակ* և այլն), ապա կտուժեր նկարագրության հասցեավորումը, հետինակի ասելիքը կկորցներ ներգործության ուժը, խոսքի գեղարվեստական հատկանիշները կլսամբեին:

Արցախի գրողների ստեղծագործություններում գործածված բարբառային բառերն ունեն նաև ծագումնաբանական բազմազանություն: Դրանց մեջ մեծ է և՛ բնիկ բառերի, և՛ փոխառությունների թիվը: Բնիկ հայերեն բառերը կազմում են թե՛ գրական հայերենի, թե՛ նրա բոլոր տարբերակների բառապաշարի միջուկը, հիմնաշերտը:

Հատկանշական է, որ ուսումնասիրվող ստեղծագործություններում իմաստային հետաքրքիր ծավալումներ ունեն հնդիկությական ծագման այն միավորները, որոնք վկայված չեն հայերենի գրափր հուչարձաններում, բայց առկա են հայերենի թիվ թվով բարբառներում, այդ թվում *Ղարաբաղի բարբառ*ն: Այդպիսի միավորներ են **հեռ¹** (հ.ե. ers, զրբ. եռ) – 1.նուլլ.2.ցայ, կոկիծ, **կեփ²** (զրբ. զար, հ.ե. ghabb) - այստեղ զիստ, ազդր, հ նչ ես կեփերը բաց արել, բա դու սկի ամեյ չունե՞ս [12-306]: **Տալ³** (հ.ե. dhel)- ծառի ճյուղ 8.Երկու դյուցազուն ծառեր՝ ծղատարած ու հզոր, ամեն մի **տալը** մի ծառ [8-229] և այլ բառեր:

Պատմական զարգացման ընթացքում Ղարաբաղի բառապաշարի հարստացման արտաքին աղբյուր են հանդիսացել հիմնականում արևելյան լեզուների (արաբերեն, պարսկերեն, թյուրքական լեզուներ) և ռուսերենի բառապաշարը: Արցախի գրողների ստեղծագործություններում բառապաշարի այդ շերտը ակտիվ կենսունակությամբ դրսևորվել է: Փոխառողն, անշուշտ, բարբառն է եղել, իսկ գրողների նպատակը ժամանակաշրջանի ժողովրդական խոսքն ու մտածողությունը ընթերցողին ներկայացնելն է: Հատկանշական է Ռ. Խշանյանի նկատառումը. «Պետք է խստորեն տարբերեն նաև իր՝ գրողի կատարած փոխառությունը օտար լեզվից և այն փոխառությունը, որը ոչ թե գրողը, այլ բարբառն է կա: 8տարել» [5 - 91]:

Օրինակ՝ **մազազին/մադազին** (ռուս. магазин) – խանութ կարծեցի՝ ուկու **մազազին** ես: Աղջի, էլ ինչի՝ նս զուգվել [12-307]: **Գրադուգ/գրաստուգ** (ռուս.гадрус) շերմության, հեղուկի խսության, սպիրտի թնդության աստիճանի չափման միավոր - Որ թնկեր Սահրապյանը տանիք գրադուգը ստուգի [12-249]: **Սարսակ** (թրք. sarsak) – հիմար, տխմար- Այ **սարսակ** տերտեր, թեզ ո՞վ է իրավունք տվել [12-42]: **Տայի** (թրք. dayə) – 1. թեղի, մորենորայր, 2. տարեց տղամարդկանց դիմելու հարցական կոչական բառ - Բա չզիտե՞ս, կորի դայի... [1-62]: **Ավիաշկարտ** (թրք. ariasi-kar) – ակնհայտ՝ պարզորշ՝ բացահայտ կերպով-վանին թիֆ տակին նորից խնդմնդաց՝ հիմս ավիաշկարտ [8-113]: **Չոփուզ** (թրք. չուսչ) – զգիր - Գլշերվա կենին մեկ էլ տարածվում է չոփուզ թեմուրի ճայնր... [8-145]: **Մեզար** (արար. mezar) – մազից՝ բրդից գործած մեծ սփոց, որի վրա շարում են խմորի գնդերը կամ թոնորից հանած տար հացերը - Սոնա տատըր **մեզարը** մեկնում էր հատակին, ինը ծալապատիկ նստում... [8-224]: **Լղար**

¹ Տե՛ս Աճառյան Հ., Հայերեն արմատական բառարան, հ.3, Երևան, 1926, էջ 81:

² Տե՛ս Հռվիաննիսյան Լ., Ղարաբաղի բարբառի բառապաշարի հնագույն շերտերը, Լրաբեր հասարակական զիտությունների, N1, էջ 119:

³ Տե՛ս նույն տեղում, էջ 119:

(պրսկ., թոր. lagar) – նիհար, փոխ - լոդ-լոդ կերպարանքում, երկար լուսը դեմքին ու խոհվ բեղերին հզած լրջությունն էր հիմա ծիծաղելի [9-67] և:

Խնդրո առարկա գեղարվենատական ստեղծագործությունների մեջ ուսական փոխառությունները քանակով գեղազանցում են մնացած լնգուներից կատարած փոխառություններին: Ենտաքրրական է, որ Արցակի բանահյուսության լեզվի քննությանը նվիրված աշխատանքի մեջ Լ. Մարգարյանը նշում է, որ բանահյուսության լեզվում արևելյան լեզվուներից կատարած փոխառությունները քանակով գեղազանցում են ուսական փոխառություններին: Պատկերն այդպիսին է նույնիսկ նորագիր բանահյուսական նմուշներում, չնայած թվում է՝ նորագիր բանահյուսական նմուշներում պետք է նկատվեն ուսերեն փոխառությունների կտրուկ աճ՝ պայմանավորված վերջին տասնամյակներում բարքար ներհոսած ուսերեն բառերի մեծաքանակությամբ: Սա, ըստ Լ. Մարգարյանի, կարելի է բացատրել նրանով, որ բանասացները ավագ սերնդի ներկայացուցիչներ են, իսկ բանահավաքաները բանահյուսական նմուշը փոխադրելիս նախանձախնդիր են նմուշի «բնօրինակային» առանձնահատկությունները պահպանելուն:

Գեղարվենատական գրականության պարագայում գրողի նախանձախնդրությունն ուղղված է տվյալ ժամանակաշրջանի ժողովրդի լեզվամտածողությունը ճիշտ ներկայացնելուն: Մեր կարծիքով՝ դրանով է պայմանավորված այն հանգամանքը, որ, ի տարբերություն բանահյուսական լեզվի, խորհրդային և հետևյալ ժամանակաշրջանի գեղարվենատական գրականության լեզվի բառապաշտը հարուստ է ուսերենից կատարած բարբառային փոխառություններով: Ինչպես՝ *չպյուի* (ռուս. чайник) – *թեյնիկ*-*Մենակ* ձեր կոծկած կուժն ա կոտրվել, մեկ էլ մի *չպյուի* [6-131]: *Կառավար* (ռուս. кровать) – *մահճակալ* - *Միշտ ա, որ քում էիր էս կառավարեն* ես էլ՝ տափին [6-80]: *Մաւկա* - (ռուս. маска) – *դիմակ*-*Ինչո՞ւ* է ներս մտել ձեռնոցներով ու սպիտակ *մասկայով* [7- 218]: *Տելեգրեյկա* (ռուս. телегрейка) – տղամարդու մղղակած հաստ ու կարծ վերնազգնեստ - Եկազ սապոզները բարշ տալով, *տելեգրեյկան* ուսերին ծոված ու զլարկն աշբեր համարյա ծածկած [9- 82]: *Դոխուուր* (ռուս. доктор) – *բժիշկ* - *Բաղրունց հակոր ապոր Նվարդը դոխուուր* է դարձել, չէ՝ [1- 47]: *Շոփեր* (ռուս. шофер) – *վարորդ*-*Մաթեսոսի համար քաղաքի հասուն աղջիկները վարժուհիներ են, նրիտասարդները՝ վարսավիհներ կամ «շոփերներ»* [12-89]:

Ծագումով փոխադյալ մի շաբթ բառներ բարբառում և մեր օրինակներում գործածվում են փոխառու լեզվում ունեցած բարիմաստից տարբերվող նոր իմաստով, մի շաբթ բառներ էլ զուգահեռաբար պահում են նաև փոխառու լեզվի իմաստը: Օրինակ՝

թիլինկոչ (պրսկ. кадъгун්) բառը փոխառու լեզվում ունի «եռացրած» իմաստը, իսկ բարբառում բարիմաստը մասնավորվել է և նշանակում է՝ «կերպարատեսակ», որ պատրաստում են չորաթանը ջրի մեջ լուծելով և փրան յուղի մեջ խարկած տխու լցնելով»: Ինչպես՝ *Թիլինկոչ* ... կարո՞ղ ես նկել: Սիրիում այնքան եմ իշել մայրիկի նիսած կերպարները [7-379]:

Գանչախ (պրսկ. չակաչակ)՝ պարսկերենում ունի «դրան թակի» իմաստը, Ղարաբաղի բարբառում բարիմաստն ընդլայնվել է և ունի հետևյալ նշանակությունները. 1 օրադաշի կրիծակին ամրացված ու ծայրով ջրադաքարի փրա ընկած փայտու շերտիկ, որի ցնցումները հաղորդվում են կրիծակին, և աղունը դանդաղորեն թափում է քարի անգրի մեջ 2. փայտու հաստ ցից, որ խորու են գետնի մեջ, 3. փիլք. շատուխու մարդ: Մեր օրինակում էլ բառը գործածված է վերջին՝ փոխաբերական իմաստով: «Կամապատաշախան պայմաններով թելադրված՝ առաջին նրկու իմաստները գործածության նվազ հաճախականություն ունեն, մինչդեռ փոխաբերական իմաստով գործածությունը կենսունակ է: Ինչպես՝ Գլուխը լուրջ-լուրջ տմբումբացնում է *շանչախ Բենիկը* [12-31]:

Փանջաք (պրսկ. քենչե) բառը փոխառու լեզվում գործածվում է՝ «ձեռորի թապթ» իմաստով, բարբառում բարիմաստի ծավալումով ունի «մի ձեռորիվ բռով տանելու շափուկ քանակություն (խոտի, հացարույսի և այլն)» և «տապր կամ քանան խործից քաղցացած փորրիկ դեմք» իմաստները: Ինչպես՝ *Լավ, ի՞նչ անենք*, թե օրական վեց *փանջաք* հունձ ես անում [12- 232]:

Շաբաշ (պրսկ. շաբաշ - կենցեց, շաբթ լավ) բառը բարիմաստի շրջումով բարբառում կիրառվում է՝ «հարսանիքի՝ տոռնախմբության և այլնի ժամանակ նվազողներին, պարողներին տրվող դրամական նվեր» նշանակությամբ, ինչպես՝ Ինձ համար «Ձեյրանի» նվազիր, հիսուն ուրիշ *շաբաշ* եմ տալիս [12-45]:

Քավեառ-ը (պրսկ. կաժառ) փոխառու պահլավերենի «բորենի» նշանակությամբ բարբառում չի գործածվում: Այս ստացել է «տղեղ, ծեր (զաղու)» իմաստները և ունի ընդզծված բազական նրանց: Ինչպես՝ *Անամոթ*, անամոթ *քավեառ* կին է, բայց այնպես է զուգվում-զարդարվում, կարծես հարսատեսի է պատրաստվում... [8-173]:

Խալաթ (արաք. խելտ) բառը փոխատու լեզվի «ընծա, նվեր» իմաստին գուգահեռ ունի «տաճք կամ աշխատանքի վայրում հազնելու երկար վերնազգեստ» իմաստը, ինչպես՝ *Սերիկ*, այդ ինչո՞ւ է *Խալաթը սևացել* [7-506]:

Արցախի և Զանգեզուրի գորդունի ստեղծագործություններում գործածված որոշ բարբառային բառների կենտրոնակրթյունը փորձել ենք որոշներ՝ հարցում կատարելով տարբեր սերունդների ներկայացուցիչների շրջանում: Առանձնազրել ենք 50 բնիկ և փոխարյալ բարբառային բառներ, որոնք գիտեն և գործածում են 70-85 տարեկան բոլոր հարցվողները (12 հոգի):

Այդ բառների մոտ կենար՝ *յուլունիկ-1*¹ (հավելի ընտանիքին պատկանող վայրի կամ ընտանի փոքրիկ թոշուն), *քյափուռ-0* (անխիղճ, անզութ մարդ), *դալը-0* (1. կեղծ, խարխլված, 2. ծոյլ, դանդաղաշարժ), *փանջաք-0* (տասը կամ քանի խործից բաղկացած փոքրիկ դեղ), *մազա-3* (լսիչքի հետ գործածվող ուտելիք), *քյոնիան-0* (արագաշարժ), *թամբաքյու-0* (մորմազգիների ընտանիքին պատկանող բույս, որի չորացրած և մանրացրած տերևները գործածում են ծխելու համար), *մաշալլա-3* (գոհունակություն, խրախուսանք, բարեմաղթություն արտահայտող բացականչություն՝ կեցցեն), *մազալլու-0* (տեղին, համով, հոտով, 2. աշխոյժ, հետաքրքիր), *քյառա-0* (ականջները կտրած), դամիշ-3 (նղեղ), *դարա-0* (կանացի երկար զգեստ), *խափանգ-0* (դեպի ներքնահարկը կամ տանիքը բացված մուտքի վրա դրվող դրնակ), *սարք-0* (ած., 1. թունդ, բարկ, 2. համառ, 3. խիստ, դաժան, խստաբարող), *կուփինճ-0* (գորգագործների երկաթե ատամնավոր գործիք, որով գործած ամեն շարքը ծնծում են՝ խիտ նստեցնելու՝ ամրացնելու համար), *ճար-0* (գարուց կամ կորելից թխած հաց), *դիրմա-3*, (1. փամփուշտի արճեն մանր զնդակ, 2. ած., փյուր, մանր (պտուղների մասին), *մութքառ-0* (անձարակ, խեղճ ու կրակ), *չետվեր-0* (տարողության չափ, որ հավասար է 4 լիտրի, 2. այդպիսի տարողությամբ շիշ), *կենիք-2* (կարթանման երկզյուղ փայտիկ, որ կապում են թակի՝ պարանի մի ծայրին, իսկ մյուս ծայրն անցկացնելով դրա միջով՝ բեր պրկում), *դրյաքք-3* (ջանք, եռանդ, ուժ), *դարադ-0* (խոշոր եղջերափոր անատունների փարակիչ հիվանդություն) անձանոթ է բարբառախոս միջավայրի 15-25 տարեկան բոլոր կամ գրեթե բոլոր հարցվողներին (50հոգի):

Գնդարվեստական գրականության մեջ սրանց գործածությունը առավել արժնորժում է. դրանցով ոչ միայն կոլորիտ է ստեղծվում, այլև գրականությունը դառնում է այդպիսի բառային միավորների գործածության ու պահպանման ներակի միջավայր:

Հիմք ընդունելով այդ բառների անձանությունը, ըստ այդմ նաև սակավ գործածությունը նոր սերնդի խոսքում՝ պայմանականորեն դրանք համարում ենք անկենտունակ միավորներ: Այդ բառների մի մասի (կուփինճ, ճար, կենիք, թամբաքու, խափանգ, դարա) անկենտունակությունը պայմանակիրված է նրանով, որ դրանք նշանակող իրենը, երևույթները դուրս են եկել կամ այլևս թիւ են գործածվում կենցաղում, իսկ մնացած բառները գործածությունից դուրս են մղել դրանց գրական համարժեքները: Առանձնազգված բառներից համեմատաբար կենտրոնակ են *մուշտարի-48* (հաճախորդ, այցելու), *փառ-48* (թաղանթ), *աբուր-47* (ամորի, պատովի, պատկառանքի զգացում), *չոփ-47* (1. չոր ճյուղ, փայտի կտոր, 2. փյուր. շատ նիհար), *ցաք-48* (փշոտ թուիք), *ճկոնի-50* (կրանստել), *թագնիք-45* (նստել՝ շան, զայիի, արօի մասին), *լազաք-48* (1. հածովր, բավականություն, 2. ած. հածելի բավականություն պատճառող), *կոճ-49* (շաքարի, քարադի և այլնի ամբողջական կտոր, զուղած), *դամաք-44* (բախտով վիճակված քամին), *զյու-50* (1. ճամակ, 2. փոփի մեջ հավաքված ջուր), *դրյու-39* (ճիշտ, ճշմարիտ), *չոլափ-42* (ոտքից կամ ճեղքից հաշմանդաւմ, կաղ), *յալ-42* (1. սարալանջ, 2. ճիու և այլ կենդանիների վզի մազ), *սատոր-47* (փայտի հաստ կոճը, որի վրա փայտ կամ միս են ջարդում, կտրուում), *օյին-48* (1. խաղ, խարենքայություն, 2. մելկ ամբողջություն կազմող խաղի մի մասը, 3. մելկի զլյախի բերած փորձանք), *փիղաք-48* (վերկը՝ լայն, տակը ներ հախճապակե բաժակ՝ առանց ունկի) բառերը, դրանց իմաստները գիտեն հարցվածների 80 տոկոսից ավելին: Դրանք հաճախ են հանդիպում խնդրո առարկա ստեղծագործություններում:

Այս բառները հաճախական գործածություն ունեն նաև այսօր: Ի տարբերություն սրանց՝ ներբույրյալ բառները կարենի է համարել միջին կենտրոնակություն ունեցող բառներ: *Արդու-9* (խոշոր աղացած հացահատիկ), որով կերակում են անաստներին), *դալլաք-9* (վարսավիր), *տոզի-9* (բարիք, բերք, ապրուսի միջոց), *փիղենիք-18* (պատրույզ), *սամօ-20* (1. նպաստակահարմաք եղանակ, 2. կողմ, որոշ ուղղությամբ ընկած բնակավայր), *խախու-21* (խոշոր անգրերով մաղ՝ ցորենը զարին, ընդեղնենը մարդեկը համար), *աբարդ-25* (1. անհոգ, ոչնչով չմտահոգվող, 2. անամոյ, անպատկառ, 3. դիմացկուն (բույսների մասին)), *քիլինկոյ-25* (կերակրատեսակ), որ պատրաստում են չորագություն ավելին:

¹ Թվերով տրվում է համապատասխան բառն իմացողների քանակը:

վրան յուղի մեջ խարկած սոխ լցնելով), դիյամաթ-33 (սաստիկ ցորտ, սառնամանիք), չանչախ-27 (շատավանս մարդ), ճամարդ-24 (տմարդի, սոսոր մարդ), խախալ-21 (խոշոր անցրելով մաղ՝ ցորենը, զարին և այլ ընդեղենները մարրելու համար), դուզդուն-35 (ագռավ):

Հարցումների արդյունքները վկայում են, որ բարբարի զարգացման ընթացքն անընդհատական է, և այն արտացոլում է հասարակական կյանքի տնդաշարժները: Ըստ այդմ՝ բառային մի շաբթ միավորներ աստիճանաբար արտամիզում են: Այս դեպքում գրավոր հուշարձանը՝ գեղարվեստական ստեղծագործությունը, դառնում է այդ բառերի ճանաչողության տարածք ու պահոց:

Այսպիսով՝ բարբառային բառերը գեղարվեստական գրականություն կարող են մուտք գործել ակամա՝ լեզվամտածողության թելադրանքով, և կամա՝ գեղարվեստական երկի ոճավորման նպատակով:

Արցախի գրողների ստեղծագործություններում գործածված բարբառային բառերը ունեն ինչպես իմաստային, այնպես էլ ծագումնաբանական բազմազանություն: Ուսումնասիրվող ստեղծագործություններում իմաստային հետաքրքիր ծավալումներ ունեն ինչպես հնդեվրոպական ծագման և հայերենի գրավոր հուշարձաններում չվկայված միավորները, այնպես էլ բարբառային փոխառությունները: Արցախի ժամանակակից գրողների ստեղծագործություններում մնձ թիվ են կազմում ուսերենից կատարված բարբառային փոխառությունները, ինչը բացատրվում է նրանով, որ այդ հեղինակները ապրել և ստեղծագործել են խորհրդային և հետխորհրդային տարիներին:

Հատկանշական է, որ ուսումնասիրվող գրականության մեջ գործածված բարբառային բառերը մի մասը անծանոթ է բարբառային միջավայրի 15-25 տարեկան բոլոր կամ գրեթե բոլոր հարցվողներին: Ուրեմն՝ գեղարվեստական խոսքը հաճախ դառնում է բարբառային բառերի պահպանման ու գործածության նօակի միջավայր:

ԳՐԱԿԱՆՈՒԹՅՈՒՆ

- 1.Աբրահամյան Ս., Սերունդների հետ, Երևան, «Ամարաս» հրատ., 2008, 595 էջ
- 2.Աճայշյան Հ.Հ., Հայերեն արմատական բառարան, 1-4, Երևան, Երևանի համալսարանի հրատ., 1971-1979, 697- 688-636-676 էջ
3. Աճայշյան Հ., Հայոց լեզվի պատմություն, մաս 2, Երևան, Հայպետհրատ, 1951, 608 էջ
- 4.Ավմտիսյան Ն., Սրտի կայծեր, Ստեփիանակերտ, «Վաշազան Բարենպաշտ» հրատ., 2013, 239 էջ
5. Իշխանյան Ռ., Բակունցի լեզվական արվեստը, «Միտք» հրատ., Երևան, 1965, 237 էջ
6. Խանզադյան Ս., Երկների ժողովածու, հ.6, Երևան, «Սովորական գրող» հրատ., 1983, 606 էջ
7. Հակոբյան Վ., Զատիկիր ջրավագանի հատակին, «Դիզակ պլյուս» հրատ., Ստեփիանակերտ, 2010, 665 էջ
8. Հովհաննիսյան Մ, Երկներ, հ1, «Վաշազան Բարենպաշտ» հրատ., 468 էջ
9. Ղափիյան Ա., Պատրանք, «Սովորական գրող» հրատ., Երևան, 1983, 248 էջ
- 10.Մարտիրոսյան Հ., Համազարկ հրաժեշտից առաջ, ՀԳՄ հրատ., Երևան, 2007, 94 էջ
11. Սարգսյան Ա. Յու., Ղարաբաղի բարբարի բառարան, «Էդիտ Արյինտ» հրատ., Երևան, 2013, 84 էջ
12. Օվյան Վ., Կապոյտ տարիներ, «Դիզակ պլյուս» հրատ., Ստեփիանակերտ, 2007, 527 էջ

Տեղեկություններ հեղինակի մասին.

Ունա Մովսեսյան

Ստեփիանակերտի «Գրիգոր Նարեկացի» համալսարանի Հայոց լեզվի և գրականության ամբիոնի դասախոս
rena-mov@mail.ru

Հոդվածը տպագրության է երաշխավորել խմբագրական կոլեգիայի անդամ, ք.գ.թ. Հ.Ղազարյանը: